

scribens phlebotomari iubet, recte quidem, sed non scripturam considerans potius quam conuulsiuam causam sanguinis detrahendam: quod est estimabile, atque ut ita dixerim, dogmaticum, sicut secundo libro de cœnoteris scribens Soranus docuit. Vtitur præterea uomitiuis ieiunus, itemque radicum eorum confundens tempus: Oportet enim superpositionis tempore adhibere phlebotomiam, in lenimento uero uomitum. Item uentrem inter paucos dies leuiter deducendum iubet, atque superficiem corporis constringendam ungento myrobalani, cum aceto & oleo rosaceo paruo, uel myrtino, & ammoniaci gutta cum alumine. Depone etiam ægrotantes in decoctione frigida ex herba perdicia confecta, uel plantagine, aut murta, aut rubo, bis in die, atque sufficienti tempore quadam tarditate ægrotantes imperat immorari. Dat cibos facile reslabiles, & potu magis aquam: quæ sunt incongrua: Phlebotomia enim similiter laxatiuum genus est, & cibus reslabilis, & singula ungenta quæ imperat adhiberi, constringunt. Item embasis, quæ fieri ex decoctione herbarum iubet supradictarum. Item ungenta condensant corpora. Sed hoc passus est cum nondum limpide methodicam perspiceret disciplinam, & Asclepiadis secta circumseptus, passionis causam in extasin estimaret, quam præstibat fieri per ensem siue cutem: & ob hoc quærebat materiam à superficie ad altiora, uelut latius patientia, reuocare. Vtitur denique constrictiuis extrinsecus, & rapit ad interiora ea quæ fuerint appositorum uirtute depulsa. Prouocat etiam uentris fluorem & uomitum, & utitur hellebori purgatione, adhibito psilothro in tres uel quatuor dies, uel alio quolibet urenti medicamento usque ad cutis ruborem, quo magis perseverantem faciat passionem. Adhibet præterea cataplasmata, ex quibus etiam succos adhibuit arnoglossæ, uel perdicij herbe. Item malagmata adhibet constrictiua, ex quibus nunc plurimi laudant argagation appellatum medicamen. Item exercitium probat, & deficiens cutem, declinat ungere, sed adhibet græcum, non coniciens hoc quoque esse laxatiuæ uirtutis. Adhibet etiam ammoniaci guttam cum aceto uel uino, aut quæ sunt intra se contrariæ qualitatibus. Item post exercitium sudationem faciendam igne uicino, sed aqua frigida fouendos imperat ægrotantes, & usum hellebori geminum probat. Quæ sunt quidem uera adiutoria, si tempora quoque seruentur, ut Responsum docuimus libris. Item quidam Themisonis sectatores in initia quoque passionis præuisa, coercentes pronos ac decliues, uel uenturos in eandem, quos uident phlebotomant, & helleboro purgant: Eos autem quos iam possessos ac ceperint, ipsi negant curandos adiutorijs: siquidem corruptione quadam uel laxatione extremæ cutis in corporibus hæc passio generetur, & sit arifica carnis atque mollifica corporis phlebotomia. Quapropter inquit esse frigidandam uel siccandam corporis superficiem, quo possit eius humor ad intestina uel uentrem recurrere, ac deinde clysteribus, uel purgatiuis medicaminibus, quæ catartica uocant, detrahendo cibum. Præterea præporandos probant ægrotantes succo nepetæ, seruata moderatione quantitatis, quæ neque minuenda, neque superanda sit tribus cyathis uisque ad sex. Cibum etiam dandum frigidum, atque constrictiuum & paruum. Potum frigidum, sed meratum, ex uino uehementioris acrimonia, atque albo, uel ueteri: & sæpe tenendos ægrotantes, uel siccandos abstinentia bibendi, siccioribus reficiendos cibis: Quæ sunt utraque incongrua ac dissonantia siccandæ cutis, secundum eorum intentionem: Sic enim, ut aiunt, è superficie transmittendus est humor ad altiora, atque eo prouocandus, ut clysteribus ac purgatiuis medicaminibus excludatur per uentrem: erit enim contrarium, si ita quæ siccioribus cibis, & uino supradicto altiora siccare. Item aliqui horum multitudinem

Libri Sorani
λευκότητος.

μυροβαλίου.

† intrinsecam
† superficiem

φίλωνος.

Argagatione
dicam.en.

λευκότητος.
λευκότητος.

C tudinem intuentes frequenter adhibendam phlebotomiam, atq; clysteres, & uentriflua medicamina, quæ catartica uocant, iubent: & magis diacameleos appellant, quibus necessarid corruptentes agrotos in peiorem habitudinem corporis uertunt, quem Græci cachexian uocant. Item alij corruptione hoc fieri, atq; mutatione ex uenenis effecta æstimantes, temperatiuis uti medicaminibus decreuerunt: Ex quibus magis asininio lacte agrotantes potandos imperat simplicis, uel accurato, quod schiston appellant. Item uino dulci, & cibis similibus, quibus foeda digestionem corruptis maior efficitur corporis corruptio. Ordinant præterea theriacam dandam, quam cuncti Mithridatiū appellamus: Quæ quidē re corporatiua uirtute mederi posse perspicitur. Dant etiam uiperas mandendas, sed amputato capite atq; cauda, mensura digitorum quatuor, cætera coquentes atq; obdulcates sale & oleo agris offerunt comedenda. Alij etiã aqua ex labris quibus candēs tingitur ab operantibus ferrum potandos dicunt: cum sit hæc passio secundū plurimos scriptores ex aqua graui, quæ aut natura, aut aliqua corruptiōne foedata sit, sæpius generata. Alij quoq; etiã cutis uulnerationē affectandam probant, qua corpus exhumoretur: neq; cunctis cōmune iudicium, & ignaris cognitū prouidentes, quod peiorante passione superficies corporis ulceretur. Itē alij agrotū in ea ciuitate quæ nunquā fuerit isto morbo uexata, si fuerit peregrinus, cludendum probant, ciuem uero longius exulare, aut locis mediterraneis, & frigidis consistere ab hominibus separatim, exinde reuocari, si meliorem receperit ualitudinem, quo possint ceteri ciues nulla istius passionis contagione fauciari. Sed hī agrotantē destitutū magis imperat quā curandum, quod à se alienum humanitas approbat medicinx.

DE PHTHIRIASI

CAP: II.

D
Phtiriasis.



Pediculi scilicet rales.

μηγματον.

αλδς αβου.

Antecedente cachexia etiã hoc symptoma generatur, quod nos accidens dicere poterimus. Sumpsit igitur nomen non à genere, sed à multitudine pediculorum: Plurimi enim creantur nunc per totum corpus, nunc per eas partes quæ capillatura cōceptæ sunt: & nunc consueti atq; simplicis formæ, nunc ignoti, hoc est latiores, & duri magis ac sæuientes morsibus uehementer, quos quidam ferales appellant: Nam sæpe etiam sub capillis inueniuntur corpora penetrasse. Sequuntur autem agrotantes uigiliæ & pruritus corporis, atq; pallor, cibi fastidium, & stomachi debilitas, & caluities: & est passio solutionis cholerae rubrae egestione plurima per tenues uias emergente, qua hæc animalia generantur. Deniq; superpositionis tempore iacere oportet agrotos loco mediocriter frigido, atq; cibis constrictiuis, & temporibus iam sæpe demonstratis refici. Fomenta uero & perunctiones, & cataplasmata membratim erunt adhibenda, qualia Themison elephantiacis curas ordinauit. Sed ea loca quæ capillatura uestita sunt erunt præterea radenda, superpositione resumptio adhibenda, atq; re corporatio, sicut in cachecticis, uel elephantiacis ordinauimus, sed iugia adhibenda smegmata, quæ nos lacescentes, atq; purgatiuos pulueres nuncupamus. Item unctiōnes magis, cum mox fuerit capillatura derasa præfortis partibus aqua marina, uel aceto salso. Sunt hæc deniq; plurima speciatim posita, ut bulbi cum nitro atq; oleo contriti, quo mellis faciat crassitudinem, ex quibus corpus erit illinendum. Item staphysagria cum aceto atq; oleo trita, uel infusa aceto & oleo, tunc contrita cum salis flore, quem Græci halos anthos uocant, donec liquidū mellis similitudinē faciat. Nunc etiã cum sulphure uiuo atq; aceto: Vel ita ponderibus

